

DSE 後的出路

建造業 女仔 都唔做

現今港女處處，不能挨苦而追求物質的形象深入民心，令不少人避之則吉。但並非所有香港女孩都是這個樣子，今年只有22歲的秀芝，於12年考畢DSE後，便修讀為期讀兩年的建造業議會建造業監工/技術員課程，現於地盤當學徒管工，負責對圖則、驗料及檢查樓宇設施，親力親為。身型細小又帶陽光氣息的她，從沒有因身邊的驚訝目光而放棄，刻苦的精神絕對不比一般男工友差！

工地有很多項目需要量度，秀芝表示：「我哋要睇下每支鐵支嘅間距啱唔啱，底層先會紮實。」



工地裝備

安全帽

有袖衫

拉尺

對講機

長褲

安全鞋

秀芝平日會帶備拉尺等工具落地盤工作，「我要量度工料，例如檢查磚頭嘅長、闊、高合唔合規格。」

在地盤工作經常面對日曬雨淋，秀芝表示在惡劣天氣下工作十分難忘，「有一次落好大雨，工友要用泥填平地盤上嘅窿，雖然出動晒全部工友，但真係唔夠人手，我都有幫手，落雨下搬泥雖然辛苦，但係一個幾有趣嘅體驗！」當我們擔心紅雨黑雨下的上班或放假安排時，秀芝與工友們則衝鋒陷陣地工作，實在令人心表佩服。

秀芝現於長沙灣一地盤擔任學徒管工，她表示地盤剛好完成平頂及鋪石屎階段，即使遇上雨季，亦沒有太大問題。「我主要負責樓內嘅檢驗工作，包括泥水、設施及質量檢驗、控制進度。即係好似露台會唔會凹凸不平、夠唔夠通光，一有問題就要安排重做。另外，拆棚時要注意工友同行人的安全，我負責嘅工作包括安排封路、人手指揮交通同用大聲公呼籲等。」除了地盤工作外，秀芝還需處理文件、對地盤圖則。

秀芝乃第一屆DSE的考生，12年中學畢業後，她曾做過售貨員，但感覺不適合自己而感到迷惘，「我鍾意戶外活動，一直都有游水同打波，加上爸爸都係做屋宇建造呢行，我自細都有聽佢講返工嘅事，覺得好有興趣想試一試。」

在地盤工作不只搬搬抬抬，秀芝還需仔細對準圖則，以免出錯。





秀芝的工作還包括檢查工地內的所有設施，「睇下搭棚嘅結實唔實，呢啲位一定要檢查得好仔細，唔可以出問題導致意外，安全至上。」

少女仔揀做前線

於是，秀芝報讀了建造業協會的建造業監工/技術員課程，她選讀了當中的屋宇建造監工課程，全班只有3位女生。「課程有4個範疇可以揀，其實工料量度一項比較多女仔揀，但我想接觸前線嘅工作，於是揀咗屋宇建造監工課程。」在課程期間，秀芝學到很多實務技巧，如量度水平、搭棚、紮鐵、釘板及收貨標準等。「我覺得好得意，屋宇建造就好似砌積木，同埋終於實際理解到爸爸講嘅工作。」

然而，完成理論及學校的訓練，進入實習階段時，秀芝覺得最大的困難是體力問題，「實習時第一次出地盤，正值夏天，出好多汗又行好多樓梯，真係好叻！之後就知道要隨身帶水，同埋平時要做多啲運動練好少少體能。」

工友好斯文

進行在職培訓部分的初段，亦讓秀芝很不習慣，「一開始去到真正地盤，覺得人同環境都好陌生，同嘅學校訓練時唔同。唔知點同工友、上司溝通，搵唔到管工嘅定位。工友講嘢好直接，本身都怕人好粗魯，但佢哋反而見我細細粒粒好細個，對我講嘢即刻斯文好多，仲會叫我『小姐』；其實溝通技巧都好重要，我有當過工友低自己一般，因為佢哋經驗比我多，我有唔明一定會問，佢哋都好肯教我施工技巧，好似釘板要點釘、用咩工具、幾多料、邊啲位要釘等。」

經過這些磨練，14年畢業後，秀芝便加入在職培訓時的承建商工作，「啱家負責嘅地盤開始做消防同驗樓程序，呢段時間最忙，要砌地台、批斜同做嘅臨時喉。其實困難同問題真係日日都有，有時工人同判頭之間會有衝突，可能係程序同用料唔同有唔同意見，處理呢啲問題要學習點樣協調，例如要注意同判頭及工友講嘢嘅語氣，盡力搵出問題所在，希望我會愈做愈好。」

家人擔心

秀芝工作十分有條理，同事亦對她不錯，但她坦言當初揚言要入行，家人不太支持，「屋企人好擔心，因為做地盤始終有一定危險，但啱家有好多安全設施，又多咗女仔入行，見我開始做到幾穩定，佢哋都慢慢接受，我有時仲會請教爸爸實際施工技巧，好似啲邊位點樣收口，同埋釘板嘅技巧，好開心！」

秀芝表示，將來會以項目協調員為目標，集中在圖則處理及與工程師溝通，另外，還會進修有關工地管理的學位課程，希望在屋宇建造這行有更好發展。

022 青雲路

點入行？

若DSE成績未如理想，未能升學的同學，秀芝建議可加建造業的課程，「現今建造業乃長做長有嘅工種，嘅建造議會修讀建造業監工/技術員課程，除咗理論同實務兼備外仲會保送我哋去讀高級文憑課程，所以係唔錯嘅選擇。」

課程：建造業監工/技術員課程

機構：建造業議會

開課日期：9月上旬


上課時間：星期一至五8:20am至4:20pm；及星期六8:20am至12:30pm

對象：全日制中六或以上程度

內容：分為土木工程監工文憑、屋宇裝備監工文憑、屋宇建造監工文憑、工料量度文憑，讓學員選取其中一個專業，學習建築流程、屋宇結構、基、工程圖則等有關知識，除了理論課外，還有實習及在職培訓的機會

網站：www.cic.hk

查詢：2100 9100



「我要睇定啲圖則，睇下結構圖同建築圖會唔會有出入，如果有就要話畀工程師知，交畀佢哋處理。」



秀芝(左)年紀輕輕，親和力高，同事們與她有說有笑，「佢哋都好好，會教我好多嘢！」

後記：不拘小節

女孩子一定對皮膚保養很講究吧？當問及常在室外工作的秀芝，有沒有好好保養皮膚，她則笑說：「其實我唔怕黑，最初都有搽太陽油，但覺得太煩，又成日出汗出油，所以之後就唔搽，由得佢，反正冬天都好快白番。」不拘小節的性格，可能秀芝是能在建造業打滾的原因。☺